

Lágmarksupphæð holræsagjalds fyrir hverja skattskylda fasteign skal aldrei vera lægri en kr. 120.00.

Gjalddagar skulu vera hinir sömu og gjalddagar fasteignaskatts.

Reglugerð þessi sem samin er og samþykkt af bæjarstjórn Ólafsfjarðar staðfestist hér með skv. vatnalögum nr. 15 20. júní 1923 sbr. lög nr. 93 5. júní 1947 um aðstoð til vatnsveitna til þess að öðlast gildi þegar í stað.

*Félagsmálaráðuneytið, 9. febrúar 1981.*

**F. h. r.**

**Hallgrímur Dalberg.**

*Hólmfríður Snæbjörnsdóttir.*

## **REGLUGERÐ**

**um tollfrjálsar verslanir á Keflavíkurflugvelli á vegum ríkisins.**

### **1. gr.**

Starfræktar skulu, á vegum ríkisins, sölubúðir á Keflavíkurflugvelli er selja tollfrjálsar vörur farþegum og áhöfnum millilandaflugvéla. Nafn sölubúðanna skal vera: Frihöfnin, Keflavíkurflugvelli.

Í Frihöfninni má selja hvers konar varning, eins og tíðkast í frihöfnum erlendis.

Í sölubúð þeirri, sem ælluð er farþegum og áhöfnum, sem eru að koma til landsins, skal þó aðeins heimilt að selja eftirtalinn varning, svo sem tíðkast hefur, og innan eðlilegra takmarka, að mati tollgæslunnar:

Áfengi, tóbak, sælgæti, ilmvötn, snyrtivörur og filmur. Utanríkisráðherra getur heimilað fleiri tegundir varnings, ef ástæða þykir til.

### **2. gr.**

Frihöfninni skal stjórnað af forstjóra, sem skipaður er af utanríkisráðherra. Ber hann ábyrgð á rekstri hennar samkvæmt erindisbréfi, sem utanríkisráðherra setur honum. Störf hans heyra beint undir utanríkisráðuneytið. Annað starfslið, sem nauðsynlega þarf við daglegan rekstur frihafnarinnar, skal ráðið af forstjóra með samþykki ráðuneytis.

### **3. gr.**

Að því er varðar farþega og áhafnir, sem eru að fara af landi brott, skal tollgæslan á Keflavíkurflugvelli sjá um og bera ábyrgð á, að gætt sé nauðsynlegra varúðarráðstafana um meðferð seldrar vöru, uns komið er um borð í flugvél þá, sem er á förum.

Þá skal þess og gætt, að farþegar og áhafnir, er versla við komu til landsins, færi varning sinn beint til tollgæslumanns. Áhöfnum er óheimilt að kaupa tóbak eða áfengi í brottfararverslun.

### **4. gr.**

Frihöfnin fær, uns annað kann að verða ákvæðið, til umráða í flugstöðvarbyggingunni á Keflavíkurflugvelli, húsnæði fyrir skrifstofur og sölubúðir ásamt birgðageymslum, eftir því sem mögulegt er og reksturinn krefst á hverjum tíma, svo og birgðaskemmur innan flugvallarsvæðisins, eftir því sem þörf krefur.

## 5. gr.

Frihöfnin skal halda nákvæma skrá (birgðabók) um allar vörur, sem fluttar eru til Frihafnarinnar.

Þegar vörur eru seldar til Frihafnarinnar, skal fylgja þeim nákvæm skýrsla til tollgæslunnar á Keflavíkurflugvelli, þar sem tilgreint er hvaða vörur er um að ræða í hverri sendingu, og skal tollgæslan bera ábyrgð á og hafa eftirlit með, að vörur þessar séu fluttar til Frihafnarinnar.

## 6. gr.

Þegar heimilt er að endurgreiða innlent tollvörugjald eða aðflutningsgjöld af hráefni í iðnaðarvöru við útflutning, ber að endurgreiða nefnd gjöld, ef Frihöfnin kaupir slíkar vörur sem söluvarning. Skulu gjöldin endurgreidd þá, er varan er komin í tollvörugæymslur samkvæmt vottorði tollgæslumanns.

## 7. gr.

Frihöfninni er heimilt að annast innflutning á öllum varningi, sem hún óskar að selja á sínum vegum.

Einnig er Frihöfninni heimilt að kaupa vörur beint úr tollvörugæymslu innflytjenda.

## 8. gr.

Verslanir Frihafnarinnar séu aðskildar frá birgðaskemmum og verði varningur, sem afhentur er verslunum frá birgðaskemmum, reiknaður á útsöluverði verslanna.

Í birgðaskemmum skal fært birgðabókhald, sem sýni nákvæmlega birgðir hverju sinni, enda sé þess vandlega gætt að sem greiðastur aðgangur verði að samanburði birgða verslana og birgðaskemma. Birgðir Frihafnarinnar skal telja svo oft sem ástæða er til og fært þykir, og skal niðurstaða talningar send utanríkisráðherra og tollgæslunni á Keflavíkurflugvelli hverju sinni.

## 9. gr.

Frihöfnin skal selja varning sinn í erlendum gjaldeyri, þó með þeirri undantekningu, að Íslendingum skal heimilt að versla í Frihöfninni fyrir þann íslenska gjaldeyri, sem þeim á hverjum tíma er leyfilegt að hafa með sér úr landi.

Erlendum flugfarþegum skal einnig heimilt að versla fyrir allt að þeirri upphæð í íslenskum gjaldeyri, sem þeir geta sýnt kvittun fyrir, að hafi verið keypt í íslenskum banka.

## 10. gr.

Ef flugvél er komin af stað frá flugvellingum, en verður af einhverjum orsökum að snúa aftur, skulu tollgæslumenn taka í sínar vörslur vörur, sem keyptar hafa verið í Frihöfninni eða gæta þess, að ekki sé farið með þær út úr flugvellingum.

## 11. gr.

Frihöfninni er heimilt að senda vörur í pósti til viðtakenda búsettra erlendis, í samráði við tollyfirvöld, enda hafi varan verið greidd fyrir fram.

Tollgæslan skal bera ábyrgð á, að réttar vörur séu sendar samkvæmt pöntunum og bera ábyrgð á, að vörunum sé komið í hendur pósthjónustunnar.

Útfylla skal afgreiðsluseðila vegna póstsendinga þessara og skulu tollgæslumaður og póstafrgreiðslumaður staðfesta með undirskrift sinni móttöku vörunnar fyrir hönd kaupanda.

## 12. gr.

Ef Frihöfnin hefur í birgðum sínum illseljanlegar eða gallaðar vörur, er henni heimilt að selja þær til þeirra aðila hjá varnarliðinu, sem rétt hafa til innkaupa, fyrir erlendan gjaldeyri, svo og til sölu varnarliðseigna.

Sala þessi skal fara fram undir eftirliti tollgæslu.

## 13. gr.

Skrifstofustjóri Frihafnar hefur yfirumsjón með færslu bókhalds Frihafnarinnar. Frihöfnin skal árlega senda utanríkisráðuneytinu sérstaka áætlun ásamt greinargerð um tekjur og gjöld Frihafnarinnar.

## 14. gr.

Frihöfnin skal að jafnaði eigi sjaldnar en vikulega selja til banka allan innkominn erlendan gjaldeyri.

Reglugerð þessi er sett samkvæmt lögum nr. 47 frá 11. júní 1960 um tollvörugeymslur o.fl., sbr. breyting á þeim lögum nr. 61 frá 12. maí 1970, og öðlast hún gildi þegar í stað.

Jafnframt fellur úr gildi reglugerð nr. 258 frá 17. júlí 1978 um tollfrjálsar verslanir á Keflavíkurflugvelli á vegum ríkisins.

*Utanríkisráðuneytið, 11. febrúar 1981.*

**Ólafur Jóhannesson.**

*Hörður Helgason.*

## G J A L D S K R Á

fyrir þjónustustörf Vinnueftirlits ríkisins.

## 1. gr.

Eigendum eða umráðamönnum eftirlitsskyldra farandvéla, farandvinnuvéla, búvéla, lyftna og vatnshitunarkerfa skulu árlega greiða gjald í ríkissjóð fyrir skráningu og eftirlit með slíkum vélum og tækjum samkv. gjaldskrá þessari. Eigendur eða umráðamenn eftirlitsskyldra atvinnufyrirtækja skulu á sama hátt greiða gjald fyrir ýmiss konar aukþjónustu Vinnueftirlits ríkisins.

## 2. gr.

Fyrir farandvélar, farandvinnuvélar og lyftur greiðist sem hér segir:

1. flokkur: Gjald 228.00.

Fólkslyftur, málarástólar, vörulyftarar með sæti, dráttarvélar.

Gjaldið greiðist þó ekki ef tæki þessi eru í eigu eftirlitsskyldra fyrirtækja.

2. flokkur: Gjald kr. 307.00.

Vegaþjöppur, vegheflar og aðrar vegagerðarvélar, jarðýtur, ámokstursvélar, skurðgröfur og aðrar svipaðar vélar, litlir farandkranar (bómulengd minni en 8 m, lyftigeta minni en 2 tonn).

Skiðalyftur minni.